

An jagerer pet secks tschòtt

*I bellet plaim òlbe pet diar,
I kimm der no iberòll bou du geast,
Still plaib e za schaung de ont derbail hoff e as du riafst me,
benn du nimmst me pet diar vroa pin e ont i mòch der s verstea' en an iatn vurm,
I suach de dai'na hent,
i schau de derbail as du paroast der proschak,
en de ang sich e schoa de jeher,
i hear der tschmòch van bòlt en de dai'na pèrgschua
i hòn galeart va diar za bòrt, za aupasn van an iatn lèrm,
as de staigler, mittlt en de pa'm i gea' der vour ont i schmek en dru,
du mai' pauer kimmst mer no,
en sèll moment ber sai' nèt hunt ont jagerer,
ber sai' an oa'zeges vi pet secks tschòtt,
an oa'zegen jagerer*

Bavai pist an jagerer, tata?

Bavai pist an jagerer, tata?
Bavai s pföllt mer s grea'.

Pet en grea' verstecke me en bòlt
En de natur, still ont kòlt

I lisen de luft en de rua va de vria
en de luttern tua e ròstn bavai i pin a ker mia

an tritt no en ònder hear e mai' otn
ont i enborme nèt as der re ist semm unter en schotn

an hirsch en de mittlt van a bis vinnen,
as pariart as der hèrz ist noch za spinnen

de picks ist nèt òlls sèll as men praucht,
de ear ont de òcht ver de vicher ist sèll as men schaukt

de doin jecher en òrm tata mòchen me dencken
er as dòl prauch hòt gamoa't en miar za schenken

de pessèrn kamaròttn do arau pfuntn hòn e
pet sei hundert gschichtn kontarn kon e

de hòlm sai' borèt ont asou ist birckle tschechen
a toal za nèt gla'm en sèll as de lònng sechen

òlbe rift men en birtshaus za stea'
a piar ont nea'mer hoa'm gea'

sai' jagerer ist a ding za nèt verstea'
lai' ber as en pluat hòt s mut s tea'

Bavai pin i an jagerer?
Bavai s pföllt mer s grea'.